



Nr. 276

### Aningaasat isumaginninnermi tunniunneqartartut 1. januari 2014-imiit atuuttut pillugit kaajallaasitaq

Kaajallaasitami matumani Isumaginninnermut Naalakkersuisoqarfiup suliaasaqarfiisa iluanni akit atuuttut pineqarput. Akit 1. januari 2014-imiit atuuttuupput allamik allassimasoqanngippat.

#### **Pisortanit ikiorsiissutit pillugit Inatsisartut peqqussutaat naapertorlugu akit**

Sagsnr. 2012-075516  
Dok.nr.

Postboks 260  
3900 Nuuk  
Oq/tel +299 34 50 00  
[ian@naaq.gl](mailto:ian@naaq.gl)  
[www.naalakkersuisut.gl](http://www.naalakkersuisut.gl)

#### **Angerlarsimaffimmi ikiorteqartitsinermi akiliutissat**

§ 1. Pisortanit ikiorsiissutit pillugit Inatsisartut peqqussutaanni nr. 15, 20. november 2006-meersumi § 29, imm. 3, aamma Angerlarsimaffimmi ikiorteqartitsineq pillugu Namminersornerullutik Oqartussat nalunaarutaanni nr. 32-imi, 26. juli 1994-meersumi § 4 naapertorlugit, angerlarsimaffimmi ikiorteqartitsinermut akit imaapput:

Inoqtigiit akileraaruteqaataasussatut isertitaat naatsorsorneqarsimasut kingulliit	Nammineq akiliutissaq %- inngorlugu	Nal.ak.-nut nammineq akiliutissamut najoqqutassaq 1. april 2013
kr. 0 - 130.000	0,00	kr. 0,00
kr. 130.001 - 180.000	33,33	kr. 28,67
kr. 180.001 - 280.000	66,67	kr. 53,35
kr. 280.000 sinnerlugit	100,00	kr. 86,03

Akiliutissap naatsorsornerani aallaavigineqarsinnaapput inummut pineqartumut angerlarsimaffimmi ikiorteqartinneqartumut naleqqiullugu kommunip aningaasartuutai, tassangaanniillu ammukartut "Nammineq akiliutissaq %-inngorlugu" aallaavigalugu akiliutissaq naatsorsorlugu, imaluunniit ammukartut "Nal. Ak.-nut nammineq akiliutissamut najoqqutassaq" atorneqarsinnaalluni.

Angerlarsimaffimmi ikiorserneqartartup isertitai annertuumik ataavartumillu allanguuteqarsimatillugit ullumikkorpiaq isertitai naatsorsuinnermi tunngavigineqassapput.

Angerlarsimaffimmi ikiorserneqartartup pilersuinissamullu pisussaataitaasup  
qitornaminik angerlarsimaffimini paarisallip aningaasarsiai

akileraaruteqaataasussat meeqqamut ataatsimut 18-it inorlugit ukiulimmut 4.000 kr.-nik ilanngaassiffiqineqartassapput.

**Meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaat naapertorlugu akit**

**Meeqqanut akilersuutit il.il.**

§ 2. Meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaat nr. 2, 3. marts 1994-imeersoq aamma Meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaata allanngortinneqarneranik Inatsisartut peqqussutaat nr. 3, 12. juni 1995-imeersoq naapertorlugit akit atuuttut makkuupput:

Tak. § 4, imm. 2 nr. 1:

Nalinginnaasumik akilersuutit ingerlaavartut kr. 6.000,00 ukiup affaanut

Tak., § 4, imm. 2 nr. 2:

Anaanap erninera qaammatinik marlunnik sioqqullugu aamma qaammammik ataatsimik kingoqqullugu akilersuutit kr. 605,00 qaammammut

Tak., § 4, imm. 2 nr. 3:

Erninermut atatillugu aningaasartuutitut akilersuutit kr. 573,00 ataasiartumik

Tak. § 4, imm. 2 nr. 4:

Meeqqap kuisinneranut atatillugu akilersuutit kr. 763,00 ataasiartumik

Tak. § 4, imm. 2 nr. 5:

Meeqqap apersortinneranut tassungaluunniit assingusumik pisoqarneranut akilersuutit kr. 3.033,00 ataasiartumik

Tak. § 15, imm. 1:

Meeravissartaarnermi tapiissutit annerpaamik kr. 36.000,00 ataasiartumik

**Naartunermi, erninermi meeravissartaarnermilu sulinggiffeqartarneq ullormusiaqartarnerlu pillugit Inatsisartut inatsisaat naapertorlugu akit**

**Erninermi ullormusiat**

§ 3. Naartunermi, erninermi meeravissartaarnermilu sulinggiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-imeersoq kingorna allannguuteqartinneqartarsimasoq naapertorlugu akit atuuttut makkuupput:

Tak. § 25, imm. 1:

Ullormusiat 1. april 2013 kr. 86,03 nal.ak.  
Sapaatip-akunneranut, annerpaamik nalunaaquttap-akunnerinut 40-nut tunniussisoqarsinnaavoq.

Tak. § 35:

Ilinniagaqartut naartunermut, erninermut imaluunniit meeravissartaarnermut atatillugu ilinniarnermi sulinggiffeqartut:  
Ullormusiat inuit ataasiakkaat aallaavigalugit naatsorsorneqassapput, aningaasartaasalu assigissavaat ilinniagaqarnerisutit, suliamik misiliinermi

tapiissutit imaluunniit suliamik misiliinermi akissarsiat, meeqqanut tapiut ilanngullugu, aamma meeqqamut/meeqqanut inoorlaamut/inoorlaanut ilanngullugit.

Kalaallit Nunaanni nunanilu allani meeqqanut tapiissutit meeqqamut ataatsimut qaammammut 1.000 kr-iuvoq. Ilinniagaqartut, danskit SU-inik pisartut, angajoqqaatut immikkut ittumik SU-nik pisartagaqarsinnaatitaapput, takuuk <http://www.su.dk/SAERLIGSTOETTE/FORAEldre/Sider/default.aspx>.

Tak. § 36:

Meeqqat atuarianni klassini angineri atuartut naartunermut, erninermut imaluunniit meeravissartaarnermut atatillugu atuariimmit atuanniggeqartut aammalu sapaatip-akunnerini kingullerini 13-imi meeqqat atuarianni klassini angineri atuarnermini tapiissutisagaqarsimasut, tapiissutit pisartagarisimasamik amerlaqataannik ullormusiaqarsinnaatitaapput aamma inoorlaamut ataatsimut qaammammut kr. 1.000,00-inik tapisiaqarsinnaatitaallutik<sup>1</sup>.

**Utoqqalineri pensionisiat pillugit Inatsisartut peqqussutaat naapertorlugu akit**

§ 4. Utoqqalineri pensionisiat pillugit Inatsisartut peqqussutaanni nr. 3-imi 7. maj 2007-imeersumi § 13, imm. 2, aamma Utoqqalineri pensionisiat pillugit Namminersornerullutik Oqartussat nalunaarutaanni nr. 14-imi 27. juni 2007-imeersumi § 2 naapertorlugit akit makku atuupput:

Meeqqamut tapiut, akilersuutit nalinginnaasut kr. 1.000,00 qaammammut.

**Inatsisartut peqqussutaat naapertorlugu siusinaartumik pensionisiat pillugit akit**

§ 5. Siusinaartumik pensionisiat pillugit Inatsisartut peqqussutaanni nr. 4, 7. maj 2007-imeersumi § 14, imm. 2 aamma Siusinaartumik pensionisiat pillugit Namminersornerullutik Oqartussat nalunaarutaanni nr. 13, 27. juni 2007-imeersumi § 2 naapertorlugit akit makku atuupput:

Meeqqamut tapiut, akilersuutit nalinginnaasut kr. 1.000,00 qaammammut.

**Meeqqanut tapiissutit pillugit Inatsisartut Inatsisaat naapertorlugu akit**

§ 6. Meeqqanut tapiissutit pillugit Inatsisartut inatsisaanni nr. 9, 7. december 2009-imeersumi § 3, imm. 1 naapertorlugu, tapisiatut uku aalajangersarneqarput:

Akileraaruteqaataasussatut isertitat naatsorneqarsimasut kingullit	Ukiumut meeqqanut tapiissutit	Qaammammut meeqqanut tapiissutit
kr. 0 - 130.000	8.477	706
kr. 130.001 - 180.000	5.731	478
kr. 180.001 - 280.000	3.186	265
kr. 280.000 sinnerlugit	0	0

<sup>1</sup> Assigalugit nalinginnaasumik akilersuutit Meeqqanut akilersuutit il.il. pillugit malittarisassani aalajangersakkat malillugit qaqugukkulluunniit atuuttut

**Meeqqanut inuusuttunillu ikiorsiisarneq pillugu Inatsisartut peqqussutaat  
naapertorlugu akit**

**Illersuisunut akissaatit**

§ 7. Meeqqanik inuusuttunillu ikiorsiisarneq pillugu Inatsisartut peqqussutaanni nr. 1-mi, 15. april 2003-imeersumi § 11 imm. 3 aamma Meeqqanik inuusuttunillu ikiorsiisarneq pillugu Namminersomerullutik Oqartussat nalunaarutaanni nr. 32, 14. december 2006-imeersumi § 3, imm. 2 naapertorlugit illersuisoq taamatut suliaqarnerminut ima akissaateqartinneqassaaq:

Illersuisunut akissaatit	kr. 546,75 nal.ak. siullermut
tulliinut	kr. 382,72 nal. ak.

Nalunaaquttap-akunneri najuuffiit kisimik akilerneqassapput. Piareersarnermut suliareqqiinerimullu piffissaq akilerneqassanngilaq.

**Inuttut siunnersortimut akissaatit**

§ 8. Meeqqanik inuusuttunillu ikiorsiisarneq pillugu Inatsisartut peqqussutaanni nr. 1, 15. april 2003-imeersumi § 16, imm. 3 aamma Meeqqanik inuusuttunillu ikiorsiisarneq pillugu Namminersomerullutik Oqartussat nalunaarutaanni nr. 32, 14. december 2006-imeersumi § 7 imm. 1 naapertorlugit, akissaatit aalajangersarneqarput:

Inuttut siunnersorti	kr. 618,45 qaammammut
----------------------	-----------------------

Immikkut ittumik imaluunniit immikkut artornassusilimmik suliniuteqarnissaq piumasaqaataappat akissarsiat 50%-imik imaluunniit 100%-imik qaffanneqarsinnaapput.

**Ilaqutariinnut inuussutissarsiutigalugu paarsisartunut aningaasarsiat il.il.**

§ 9. Meeqqanik inuusuttunillu ikiorsiisarneq pillugu Inatsisartut peqqussutaata allanngortinneqarnera pillugu Inatsisartut peqqussutaanni nr. 9-imi 20. november 2006-imeersumi, § 1 imm. 2, aamma Meeqqanik inuusuttunillu ikiorsiisarneq pillugu Namminersomerullutik Oqartussat nalunaarutaanni nr. 32, 14. december 2006-imeersumi § 18, imm. 1 naapertorlugit, ilaqutariinnut inuussutissarsiutigalugu paarsisartunut aningaasarsiat il.il. Kalaallit Nunaanni Naalakkersuisut aamma Perorsaasut ilinniarsimasut Peqatigiiffiata akornanni Kalaallit Nunaanni perorsaanikkut sulisorineqartunut isumaqatigiisummi aalajagersagaapput.

**Ilaqutariinnut nalinginnaasumik paarsisartunut paaqqinninersiutit**

§ 10. Meeqqanik inuusuttunillu ikiorsiisarneq pillugu Inatsisartut peqqussutaata allanngortinneqarnera pillugu Inatsisartut peqqussutaanni nr. 9-imi 20. november 2006-imeersumi, § 1 imm. 2, aamma Meeqqanik inuusuttunillu ikiorsiisarneq pillugu Namminersomerullutik Oqartussat nalunaarutaanni nr. 32, 14. december 2006-imeersumi § 19 imm. 2 naapertorlugit, paaqqinninersiutit il.il. aalajangersarneqarput:

Nalinginnaasumik paaqqinninersiutit	kr. 4.123,00 qaammammut
-------------------------------------	-------------------------

Perorsaanermik isumassuinissamillu angajoqqaarsiat immikkut ittumik suliniuteqarnissaat piumasaqaataassappat paaqqinninersiutit 50%-imik imaluunniit 100%-imik kommunalbestyrelsimit qaffanneqarsinnaapput.

Nukinginnaartumik inissiineq

kr. 330,00 ulloq-unnuarlu

Nukinginnartumik inissiinermi paaqqinninersiutit sivilisatortuutit meeqqamut ataatsimut ullunut-unnuanullu 30-nut tunniunneqarsinnaapput, tamatum kingorna nalinginnaasumik paaqqinninersiutinut akeq atuutissaq.

**Namminersornerullutik Oqartussat meeqqanut inuusuttunullu ulloq-unnuarlu paaqqinnittarfutaaniitsineq**

§ 11. Meeqqanik inuusuttunullu ikiorsiisarneq pillugu Inatsisartut peqqussutaanni nr. 1-imi, 15. april 2003-imi § 25, aamma Meeqqanut inuusuttunullu aamma innunat annertuumik innarlutilinnut ulloq-unnuarlu paaqqinniffiit il.il. pillugit Namminersorerusut Oqartussat nalunaarutaanni nr. 64-imi 29. december 1994-imeersumi § 36, imm. 1 naapertorlugit makku aalajangersarneqarput<sup>2</sup>:

Isumaginninnermik tunngaveqartumik aalajangiisoqarnera tunngavigalugu meeqqanut inuusuttunullu ulloq-unnuarlu paaqqinniiffinniitsinermi akit atuuttut:

Ulloq-unnuarlu paaqqinniffik	Ulloq unnuallu ataatsip akia kr.
Inuusuttut Inaat, Qaqortoq	2.331
Aja, Nuuk	2.857
Matu & Suliniutit Nuuk	3.912
Meeqqat Illuat, Nuuk	2.417
Røde Kors Børnehjem, Nuuk	2.146
Qasapermiut, Sisimiut	3.668
Sarliaq, Ilulissat	2.387
Meeqqat Angerlarsimaffiat, Uummannaq	2.307
Prinsesse Margrethes Børnehjem, Ammassalik	2.138
Paaqqinnittarfik isumannaallisagaq, Sisimiut	4.781

**Nerisaqarnersiutit, kaasarfimmioritit atisarsiutillu kiisalu inissiinermi aningaasartuutit**

§ 12. Meeqqanik inuusuttunullu ikiorsiisarneq pillugu Inatsisartut peqqussutaata allanngortinneqarnera pillugu Inatsisartut peqqussutaanni nr. 9-mi 20. november 2006-imeersumi, § 1, imm. 2, aamma Meeqqanik inuusuttunullu ikiorsiisarneq pillugu Namminersornerullutik Oqartussat nalunaarutaanni nr. 32-mi, 14. december 2006-imeersumi § 21, imm. 1, § 22, imm. 1, 2-lu taamatullu § 23, imm. 5 naapertorlugit aalajangersarneqarput:

Nalinginnaasumik paarsisartunut, inuussutissartigalugu paarsisartunut, kiisalu Namminersorlutik Oqartussat meeqqanut inuusuttunullu ulloq-unnuarlu paaqqinnittarfutaannut inissiinermi:

Inissiinermi aningaasartuut

kr. 5.109,00 annerpaamik

Kaasarfimmioritit atisassarsiutissallu:

Meeqqanut inuusuttunullu 16-it inorlugit ukiulinnut kr. 36,00 ull-unnuarlu  
16-nit 18-inut ukiulinnut kr. 42,00 ull-unnuarlu

<sup>2</sup> Akit KANUKOKA-mut isumaqatiginiutigineqarput akuerineqarlutillu 1. januar 2014-imiit atuuttussatut

Inuit 18-ileereersimasut siusinaartumik pensionisiaqanngitsut  
kr. 1.767,00 qaammammut

Ilaqutariinnut inuusutissarsiutigalugu paarsisartunut nerisaqarnersiutit  
kr. 1.000,00 qaammammut

#### **Angajoqqaat akiliutaat**

§ 13. Meeqqanut inuusuttunullu ikiorsiissarneq pillugu Inatsisartut peqqussutaanni nr. 1-imi, 15. april 2003-imeersumi § 38, imm. 4, aamma Meeqqanik inuusuttunullu ikiorsiissarneq pillugu Namminersorlutik Oqartussat nalunaarutaanni nr. 32, 14. december 2006-imeersumi § 24 naapertorlugit akeq manna atuuppoq:

Angajoqqaat akiliutaat (meeqqanut akilersuutit nalinginnaasut)  
Angajoqqaat tamarmik immikkut kr. 1.000,00 qaammammut

#### ***Annertuumik innarluutillit ikiorserneqartarnerat pillugu Inatsisartut peqqussutaat naapertorlugu akit***

##### **Annertunerusumik aningaasartuutit**

§ 14. Inuit annertuumik innarluutillit ikiorserneqartarnerat pillugu Inatsisartut peqqussutaata allannguutaanut Inatsisartut peqqussutaanni nr. 13, 31. oktober 1996-imeersumi § 8a, aamma Annertuumik innarluutillit ikiorserneqartarnerat pillugu Namminersorlutik Oqartussat nalunaarutaanni nr. 19, 16. december 2010-meersumi § 13 naapertorlugit t anigaasaliisoqarsinnaavoq,

- anigaasartuuteqarnerunerup kr. 500,00 ukiumut qaagersimappagu,
- anigaasartuutit annikinnerusut qinnuteqaammi ataatsimi ataatsimut katillugit kr. 500,00 sinnersimappatigit. imaluunniit
- anigaasartuutit ataavartut qinnuteqaammi ataatsimi ataatsimut katillugit kr. 500,00 sinnersimappatigit.

##### **Oqilisaassinermi aningaasarsiat**

§ 15. Inuit annertuumik innarluutillit ikiorserneqartarnerat pillugu Inatsisartut peqqussutaata allannguutaanut Inatsisartut peqqussutaanni nr. 13, 31. oktober 1996-imeersumi § 8a aamma Annertuumik innarluutillit ikiorserneqartarnerat pillugu Namminersorlutik Oqartussat nalunaarutaanni nr. 19, 16. december 2010-meersumi § 32, imm. 1 naapertorlugit makku aalajangersarneqarput:

Ilaqutariinnut oqilisaassisunut kr. 301,04 ull.-unnuarlu  
Ulloq-unnuarlu paaqqinniffinnut namminersortunut kr. 3.180,00 ull.-unnuarlu

Pilersuineq kr. 52,83 ull.-unnuarlu

##### **Sammisassaqartitsinermi aningaasarsiat**

§ 16. Takuuk annertuumik innarluutillit ikiorserneqartarnerat pillugut Inatsisartut peqqussutaanni nr. 7, 3. november 1994-imeersumi § 18, imm. 3 aamma Annertuumik innarluutillit ikiorserneqartarnerat pillugu Namminersorlutik Oqartussat nalunaarutaanni nr. 19, 16. december 2010-meersumi § 38, imm. 6 naapertorlugit makku aalajangersarneqarput:

Annertuumik innarluutillit nakkutigineqarluni sullivinni imaluunniit nakkutigineqarluni suliffinni sulisunut sammisassaqartitsinermi aningaasarsiat kr. 15,00 nal.ak.

Sapaatip-akunneranut annerpaamik nalunaaquttap-akunnerini 40-ni aningaasarsiaqartitsisoqarsinnaavoq.

**Namineq angerlarsimaffimmi paaqqutarinnittunut aningaasarsiasat**

§ 17. Annertuumik innarluutillit ikiorserneqartarnerat pillugu Inatsisartut peqqussutaanni nr. 7, 3. november 1994-imeersumi § 9 aamma Annertuumik innarluutillit ikiorserneqartarnerat pillugu Namminersortutik Oqartussat nalunaarutaanni nr. 19, 16. december 2010-meersumi § 28, imm. 4 naapertorlugit makku aalajangersarneqarput:

Annertuumik innarluutilimmik paaqqutarinninnermi  
1. april 2013-imiit kr. 86,03 nal.ak.

Sapaatip-akunneranut annerpaamik nalunaaquttap-akunnerini 40-ni aningaasarsiaqartitsisoqarsinnaavoq.

**Utoqqarnik ulloq-unnuarlu paaqqinnittarfinni assigisaannilu najugaqarneq**

§ 18. Annertuumik innarluutillit ikiorserneqartarnerat pillugu Inatsisartut peqqussutaanni nr. 7, 3. november 1994-imeersumi § 15 aamma Meeqqanut inuusuttunullu aamma innunat annertuumik innarluutilinnut ulloq-unnuarlu paaqqinniffiit il.il. pillugit Namminersortutik Oqartussat nalunaarutaanni nr. 64, 29. december 1994-imeersumi § 36, imm. 2 naapertorlugit makku aalajangersarneqarput:

Utoqqarnik paaqqinniffinni assigisaanniluunniit ulloq-unnuarlu najugaqarneq, inuup pineqartup annertuumik innarluuteqarnera aallaavigalugu aalajangiunneqartoq:  
kr. 917,00 ull.-unnuarlu

**Namminersortutik Oqartussat ulloq unnuarlu innarluutilinnut najugaqarfianni**

§ 19. Annertuumik innarluutillit ikiorserneqartarnerat pillugu Inatsisartut peqqussutaata allanngortinneqarnera pillugu Inatsisartut peqqussutaanni nr. 10, 31. maj 2010-imeersumi § 16a naapertorlugu makku aalajangiunneqarput<sup>3</sup>:

Namminersortutik Oqartussat annertuumik innarluutilinnut ulloq-unnuarlu najugaqarfiini akit.

Ulloq-unnuarlu najugaqarfik	Ullupunnuallu ataatsip akia kr.
Ivaaraq, Qaqortoq	3.132
Illu sungaartoq, Qaqortoq	4.415
Palleq, Paamiut	2.920
Aaqa, Nuuk	2.549
Uulineq, Nuuk	3.303
Innarluutilinnut	
immikkoortortaq, Aja, Nuuk	2.711
Elisibannuaq, Maniitsoq	2.221
Gertrud Rask Minde, Sisimiut	2.589
Ikinngut, Ilulissat	2.624
Innarluutilinnut immikk., Uummannaq	2.319
Nasippi, Tasiilaq	2.463

<sup>3</sup> Akit KANUKOKA-mut isumaqatiginiutigineqarput akuerineqarlutillu 1. januar 2014-imiit atuuttussat

**Kaasarfimmiorititat atisassarsiutillu**

§ 20. Annertuumik innarluitillit ikiorserneqartarnerat pillugit Inatsisartut peqqussutaanni nr. 7, 3. november 1994-imeersumi § 15 aamma Annertuumik innarluitillinnut ulloq-unnuarlu paaqqinnittarfiit pillugit Namminersornerullutik Oqartussat nalunaarutaanni nr. 64, 29. december 1994-imeersumi § 44 naapertorlugit makku aalajangersarneqarput:

Namminersorlutik Oqartussat innarluitillinnut paaqqinniffiutaaniittunut kaasarfimmiorititat atisassarsiutissallu:

Meeqqanut inuusuttunullu 16-it inorlugit ukiulinnut	kr. 36,00 ull.-unnuarlu
Inuusuttunut 16-nit 18-nut ukiulinnut	kr. 42,00 ull.-unnuarlu
Inunnut 18-ileereersimasunut siusinaartumik pensionisiaqanngitsunut	kr. 1.767,00 qaammammut

***Pisortani ikiorsiissutit pillugit Inatsisartut peqqussutaat naapertorlugu akit***

§ 21. Tak. Pisortanit ikiorsiissutit pillugit Inatsisartut peqqussutaanni nr. 15, 20. november 2006-imeersumi § 24, imm. 2 aamma Pisortanit ikiorsiissutit tunniunneqartarnerat pillugu, iliuusissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaanni nr. 4, 15. marts 2007-imeersumi §§ 18-20..

Kalaallit Nunaanni imaluunniit Danmarkimi napparsimasunut napparsimavimmiittunut kaasarfimmiiussanut akit kr. 49,00 ull.-unnuarlu.

§ 22. Kaajallaasitaq manna 1. januari 2013 aallarnerfigalugu atuutilerpoq. Tamatumunnga peqatigitillugu aningaasat isumaginninnikkut tunniunneqartut pillugit Naalakkersuisoqarfiup kaajallaasitaa nr. 275, 1. maji 2013-imeersoq atorunnaarpoq.

*Ilaqutariinnermut Inatsisinillu Atuutsitsinermit Naalakkersuisoqarfik, 17. decemberi 2013.*



Susie Marthin Kjeldsen



Kirsten Olesen